

Arslan Dučić
Vijećnik Socijaldemokratske partije Novo Sarajevo
E.mail: arslanducic@gmail.com

Općina Novo Sarajevo
Općinsko vijeće Novo Sarajevo
n/r predsjedavajućeg, Pleše Robert

Na osnovu člana 22. stav 5. Poslovnika Općinskog vijeća Novo Sarajevo („Službene novine Kantona sarajevo“, broj 24/19 – Novi prečišćeni tekst), na Sedmoj redovnoj sjednici Općinskog vijeća Novo Sarajevo, od dana 29.07.2021. godine, postavljam:

I n i c i j a t i v u

Tražim da se:

Nadležnom Tužilaštvu BiH putem službi Općine Novo Sarajevo dostavi slijedeći tekst:

Prijava krivičnog djela veličanja osuđenika za ratni zločin

Ja, Dučić Arslan, podnosim prijavu protiv N.N. osoba za veličanje pravomoćno presuđene osobe Ratka Mladića, koji je osuđen na doživotnu kaznu zatvora za ratni zločin počinjene u BiH pred Međunarodnim sudom u Hagu.

Naime, na teritoriji Općine Istočna Ilidža na području naselja Vraca u ulici Vojvode Radomira Putnika već duži vremenski period nalazi se ploča u čast navedenog ratnog zločinca, a koju su postavili, prema navodima na istoj, Boračka organizacija Općine Istočno Novo Sarajevo uz prethodnu saglasnost Općine Istočna Novo Sarajevo, entitet Republika Srpska.

Dostavljam vam i nekoliko fotografija, te vas molim da postupite po službenoj dužnosti, a s ciljem provedbe Krivičnog zakona Bosne i Hercegovine, članka 145a stav (6): “Ko dodijeli priznanje, nagradu, spomenicu, bilo kakav podsjetnik ili bilo kakvu privilegiju ili slično osobi osuđenoj pravomoćnom presudom za genocid, zločin protiv čovječnosti ili ratni zločin, ili imenuje javni objekt kao što je ulica, trg, park, most, institucija, ustanova, opština ili grad, naselje i naseljeno mjesto, ili slično, ili registrira naziv po ili prema osobi osuđenoj pravomoćnom presudom za genocid, zločin protiv čovječnosti ili ratni zločin, ili bilo na koji

način veliča osobu osuđenu pravomoćnom presudom za genocid, zločin protiv čovječnosti ili ratni zločin, kazniće se kaznom zatvora od najmanje tri godine.”



Datum: 29.07.2021. godine

Arslan Dučić